

SARS e thwala batlatša khomišinare go maatlafatša ketapele.

Tshwane 2 June 2023 – Khomišinare wa SARS Edward Kieswetter, lehono o begile go thwalwa ga Batlatša Khomišinare ba ba 3, go maatlafatša sehlopha sa gagwe sa khuduthamaga ka SARS. Se se latela morago ga go nyakana le dikhuduthamaga fao se se lebišitšego go thwalo e tee ya nkgetheng wa ka gare le ba ba bedi go tšwa go sektara ya praebete. Go thwalwa ga Batlatši ke enngwe ya dikeletšo ka go pego ya mafelelo ya Khomišene ya Dinyakišišo tša Taolo ya Motšhelo le Pušo ka SARS ya go etelwa pele ke Moahlodi Robert Nugent.

Khomišinare Kieswetter o boletše gore: *“Ke tloga ke thakgadišwe ke dithwalo tše. Batlatša Khomišinare ba tla fana ka thekgo e bohlokwa go kago ya godimo ya mošomo wo o thomilego mengwaga ye 4 ya go feta ya lenaneo la kagoleswa. Go kaonafatša setheo sa tshephagalo le pušo; tšweletša leeto la rena la mpshafatšo ka lebelo; le kago ya bokgoni le katološo ya rena go tšwetšapele tagafara ya rena ya semolao. Bjale ka balaodi ba bobedi bao ba lego ka fase ga taolo ya Khomišinare, Batlatša Khomišinare ba tla phethagatša ketapele ya rena le go kgonthiša gore go na le tsepelelo ye kgolo mafelong ao ba a filwego maikarabelo le go nolofatša mešomo ya rena ya go araba.”*

Batlatša Khomišinare ke:

1. Mrn. Johnstone Makhubu – Motlatša Khomišinare: Taxpayer Engagement and Operations

Mrn. Makhubu gabjale ke Moofisiri Mogolo wa Koleka ya Ditseno ka SARS gomme o bile le setheo go tloga ka 2016. O thomile go šoma le SARS a e tšwa Eskom ka June 2016 bjale ka Moofisiri Mogolo wa Mokgokaganyi pele a thwalwa bjale ka Moofisiri Mogolo wa Ditshelete ka 2018. Morago ga ge Khomišinare Kieswetter a tsene ka SARS, mošomo wa Moofisiri Mogolo wa Koleka ya Ditseno o ile wa dirwa, gomme Johnstone o ile a tšea mošomo woo ka 2020. Maitemogelo a gagwe a bohlokwa ka SARS a tla mmea maemong a mabotse mošomong wa gagwe o moswa wa go hlokomela ditshepetšo tša SARS tše dikgolo ka nepo ya go kaonafatša tsenyatšhomong, go dira mošomo wa tirelo ya balefela motšhelo e be wa seprofešene, le go otlela obamelo go ya ka ditebo tša leano la SARS.

Mrn. Makhubu o na le lengwalo la *Bachelor of Science degree la Electrical Engineering* go tšwa ka Univesithi ya Kwa-Zulu-Natal le lengwalo la *Bachelor of Commerce* go tšwa Univesithi ya Afrika Borwa (UNISA). Mrn. Makhubu o feditše lenaneo la *Master's in Business Leadership*

ka Unisa gape o na le lengwalo la Lenaneo la Bolaodi Bogolo (SMP) le Henley Business School. Gabjale o feleletša PhD ya gagwe ya Boetapele ka Univesithi ya Pretoria.

Mošomo o moswa wa Mrn. Makhubu ke go laola le go tiišetša phethagalo le kgonagalo ya ditshepetšo tša tšatši ka tšatši tša go sepelelana le dikamano tša rena tša motšhelo le khasetomo, gammogo le obamelo ya tiišetšo ya molao ya bagwebi le balefela motšhelo. Mošomo wa gagwe o tsepelela go kamano ya pele le balefela motšhelo le bagwebi go kgonthiša phethagalo le kgonagalo ya tirelo le/goba nolofatšo ya metšhelo ka moka le khasetomo gammogo le tharollo ya ditirelo ka moka tša go nyalelana le dipotšišo, dikgetsi ka moka fao balefela motšhelo ba kgethilwego bakeng sa magato a obamelo a go išwa pele gammogo le tharollo ya dithulano ka moka tšeo di ka tšwelelago go obamelo efe goba efe. O tla be a tsepeletše go mešomo ya go fihlelela setšhaba, ditemošo, le mešongwana ka moka ya go fihlelela setšhaba go thekga obamelo ya boithaopo ya balefela motšhelo gammogo le ditshepetšo tša go kgontšha Dikamano tša Balefela motšhelo le Nolofatšo. Phethagatšo ya Lenaneo la Obamelo ya SARS, go akaretša profaele ya tšeo di ka bakago kotsi le kgetho ya dikgetsi e wela ka fase ga maikarabelo a gagwe.

2. Mrn. Carl Scholtz – Motlatša Khomišinare: Enterprise Strategy, Enablement and Modernisation

Mrn. Scholtz o na le maitemogelo ao a tseneletšego a mekgwatšhomo ya disesteme tša tšwetšopele le tsenelanyo, moakanyetšo wa dithalwa gammogo le ditshepetšo tša kagoleswa ya boentšineri. O kgobokeditše maitemogelo a boleng ka go tlhama mano a kgwebo le go sepetša kgwebo ka thelelo ya godimo mešomong yeo a kilego a e swara dikgwebong tša go fapana go akaretša Comair, SA Breweries, Pick 'n Pay Retailers le Johannesburg Stock Exchange (JSE). Mrn. Scholtz o kile a etella pele diprojeke tše dikgolo kudu ka go intasteri ya ditirelo tša ditšhelete gomme e be e le molaodi wa tshepetšo ya lenaneo ka JSE fao a bego a na le maikarabelo a phethagatšo ya yona ya *Integrated Trading and Clearing solution*, lenaneo la mekgwatšhomo wa peobaka ya R500 million la go ama mekgwatšhomo ye 18 ya go fapana sebaka sa mengwaga ye 3.

Maitemogelo a go tsenelela a ditshepetšo tše dikgolo le kgwebo di mo file sebaka sa go ba nkgetheng wa maleba wa go etela pele leano la kgwebo ya SARS, go kgontšha le go kaonafatša potfolio mo tikologong yeo setheo se šomago ka thata go kago ya yona ya data

ya saense le bokgoni bja ekišo ya bohlae le go fihlelela phethagalo ya theknolotši go tšwetšapele ditebo tšamano a SARS le go fihlelela phethagalo ya diphetogo go kago ya SARS e bohlae ya sebjalebjae.

Carl o na le lengwalo la *Bachelor le Honours ka Electronic Engineering* go tšwa ka Univesithi ya Pretoria, gammogo le mangwalo a Master's in Business Leadership go tšwa ka UNISA Business School

Mošomong wa gagwe bjale ka Motlatša Khomišinare, Carl o tla šoma go laola le go kgonthiša tšwetšopele le kabo ya dithekniki tša mpshafatšo go tikologo ya tšwetšopele ya godimo ya Data Saese, Bohlae bja Ekišo le Theknolotši. Gape o tla lebelela phethagalo ya tšweletšo ya sepetšo ya mekgwatšhomo ya *IT* yeo e hlokegago go thekga ditebo tša SARS tše di kgethegilego le dinepo gammogo le taolo, Kelelo, le mano a data go sediko ka moka sa bophelo go fihlelela ditebo tša SARS tša kgwebo le ditšhelete.

3. Mohumagadi Bridgitte Backman – Motlatša Khomišinare: Corporate and Enterprise Services

Mohumagadi Backman ke moetapele wa kgwebo wa tsebo e tseneletšego yo a tlišago bokgoni bjo bo ntši go tšwa go di intasteri tša go fapana go swana le Tšwetšopele ya Ditšhelete, Enetši (Oli le Kgase), Dijo le Dino, Taolo ya Dikgetho, o šomile go taolo ya kakaretšo e mmalwa le mešomo ya bokhuduthamaga – Ditirelo tša Kabelano, Merero ya Koporeite, Pholisi ya Setšhaba, Kagoleswa, Molao, Ketwane ya Phepo le Tshepetšo ya taolo ya Batho.

Maitemogelo a magolo a Bridgette a go taolo, tirišano le go tliša diphetogo go mafapha go dira gore e be mothwalwa wa maleba wa mošomo wo. Maitemogelo a gagwe a theilwe ka motheo wa katološo ka go tswalanya dikamano tša leano ka gare le ka ntle go hlohleletša le go notlolla mano a kgwebo le baotledi, di tla mo fa maemo a mabotse ka SARS. Tsebo ya gagwe ya tebo e mo dumeletše go laetša setheo leswa, dikarolo le dikgoro go diriša phethagalo ya mešomo ya kakaretšogohle tsepelelo ya batho le morero bjale ka manamelelo a bokamoso bjo botelele bja setheo.

Bridgitte o na le mangwalo a *BSc (Chemistry)* go tšwa Univesithi ya Cape Town le MBA go tšwa Rotterdam School of Management, Netherlands go akaretša semestara ya Tšhentšhano ka Haas Business School, Univesithi ya California, Berkeley, USA. Gape o šomile bjale ka

leloko la boto go UN Global Compact, Afrika Borwa. Gabjale o šoma bjale ka Moetapele Mogolo ka Univesithi ya Cambridge Institute of Sustainability Leadership, gammogo le Moithuti wa Moeti ka Business School, Univesithi ya Oxford yeo go laeditšwego.

Bjale ka Motlatša Khomišinare, o tla etela pele potfolio ya Ditirelo tša Koporeite le Kgweboš yeo e nago le maikarabelo a dipeelo tša koporeite le ditirelo tša kabelano ka thekgo ya kgwekgwe ya kgwebo. Mošomo wa gagwe ke go hlokomela le go kgonthiša gore maano le dipholisi di eme botse gape di nyalelana le kakaretšo ya Maikaemišetšo a Leano la SARS, Ponelepele le Boleng le phethagalo le phethagatšo ya tirelo ya Katlego go diarea tša ditšhelete le ketapele ya mothopo, batho, pušo, kotsi, taolo ya baswarakabelo (koporeite le ditheo tša profeshene), pego ya maikarabelo a leago la koporeite, kgatlhano ya koporasi le potego le koporeite le tsenyatšhomong. ,

Khomišinare Kieswetter o amogetše Batlatša Khomišinare ka moka ka boraro bja bona go SARS gomme o tloga a lebeletše go šoma le bona go phethagatša ponelepele ya leano la SARS ya go aga SARS ya sebjalebajale ya potego ya go se belaetše, yeo e tshephagalago le go ratwa, gape yeo e thekgago motšhelo wa boithaopo le obamelo ya kasetomo.

Morago ga go tšea marapo a Khomišinare wa SARS ka Mei 2019, Khomišinare Kieswetter o file lenaneo le le latelago la dintlha tše hlano tša “go swanela go fenyha” bakeng sa SARS:

1. Katološo ya Motheo wa Motšhelo
2. Kaonafatšo ya Obamelo ka Boithaopo le go fa badudi ditirelo tša ditšhelete tša go ba kgontšha go itirela dipheho mabapi le ditšhelete tša bona.
3. Koketšo ya ditlabela tša rena le maitekelo a go fihlelela tše dintši goba tše nnyane.
4. Go swarelela dikgwebišano le mmušo le baswarakabelo ba mo nageng le ditšhabatšhaba; le
5. Go aga setheo ka potego seo se ka tshephagalago le go ratwa.

Le ge go bile le tšwelopele ya go bonagala mabapi le tšeo di lego ka godimo, Khomišinare Kieswetter o tloga a thakgasela go tšea dikgato tše di latelago ka tirišano ya Batlatša Khomišinare ba ba raro go kopanya phenyo le maatlafatšo ya setheo ya go phethagatša tšwetšopele ya setheo ya diphetogo mengwageng yeo e latelago.

Khomišinare Kieswetter o na le ditetelo tše kgolo tša Batlatša Khomišinare. O boletše gore: *“Ga go na morero wa godimo wa moetapele go feta go direla. Ka go dira bjalo, batho bao*

moetapele a na go le maikarabaelo go bona ke bao a ikemišeditšego go ba direla. Re nyaka baetapele bao ba tlišago tekano go maikarabelo a itšeng; baetapele bao ba phe thago morero wa godimo wa go aga naga ya rena; Baetapele bao ba nago le thakgaselo ka ga motšhelo le khasetomo. Baetapele bao batla hlompago le go godiša bao ba ba etellago pele. Eupša se bohlokwa kudu- baetapele bao ba nago le ditetelo tše kaone tša balefela motšhelo ba rena.”

Khomišinare o tladitše ka gore “Go thwalwa ke fela seripa gare sa bolatedi mošomong. Bolatedi bo akaretša mešongwana yeo e diragalago morago ga thwalo ya Batlatša Khomišinare – mešongwana yeo e akanyeditšwego go katološa sebaka sa bona sa tšwelelo. Ke tloga ke letetše go phethagatša merero”,

Go hwetša tshedimošo enngwe ka kgopelo ikgokaganye le SARSMedia@sars.gov.za

BOFELO